

IMMIGRAZIOA. Jaurlaritzari inplikatzeko eta atxilotzeei aurre egiteko neurri zehatzak hartzeko eskatu diote

Bidasoako hainbat elkartek salatu dute atxilotetak ugaltzen ari direla

Irun eta Donostian etorkinen atxiloteta «irregularrak» egiten ari direla adierazi dute


Erredakzioa | DONOSTIA

«Urte hasieratik Gipuzkoan, bereziki Irun eta Donostian, egiten ari diren etorkinen atxilotetak salatu nahi ditugu, eta azkenaldian atxilotetak ugaltzen ari direla nabarmendu», adierazi zuten atzo, prentsurrekoan, Bidasoaldeko hainbat elkartek.

Adiskidetuak, Behar Bidasoa, Denok Osasunaren Alde, FISC, Gure Laguntza, Oscar Romero, Irun eta Hondarribiko 0,7aren Aldeko Plataforma, Taupadak eta Txingudi Bizitza elkarteek egin zuten atzo salaketa, iragan astean Adiskidetuak etorkinen elkarteak egindako salaketarekin bat eginez.

Atxilotetak modu masiboan egiten ari direla ohartarazteaz gain, elkarteek esan dute etorkinak «modu irregularrean» atxikitzen dituztela, eta Espainiako Poliziak ematen dien tratua ere gaitzetsi dute.

Horren guztiaren atzean Espainiako Atzeritarren Lege «xenofoboa» dagoela diote aipaturiko elkarteek, «etorkinei lan eta bizilekua normalizatzea eragozten dielako, eta debekatutako pertsona izatera kondenatzen dituelako». Elkarre horien ustez, gainera, legeak ezartzen duen kupoak «egoera paradoxikoa» ekartzen du: «Izan ere, hilabete edo urteak lanean egin dituen etorkin



RAUL BOGAJO / ARGAZKI PRESS

Espainiako Polizia, etorkinei identifikazio paperak eskatzen.

batek ezin ditu paperak eskuratu; bestetik, etorkin bat kontratatzeke prest dagoenak ere ezin dezake egin, kupoak eragozten dielako».

Irungo Udalari eta Jaurlaritzari eskaera

Hala, azken hilabeteetako egoerari aurre egiteko eskaera

bana egin zieten Irungo Udalari eta Jaurlaritzari. Jaurlaritzari inplikatzeko eskatu zioten, eta «eskubideak berriro urra ez daitezen neurri zehatzak hartzeko».

Irungo Udalari, berriz, Jose Antonio Santano alkateak kargua hartu zuen egunean esandakoak betetzeko exijitu diote.

«Eskatzen diogu hitza betetzeko eta, Espainiako Poliziari eroldako datuak emanez, atxiloteta eta deportazio horietarako laguntzarik ez ematea; non eta, salbuespen gisa, ikerketari ekiteko datu egiazko eta arrazoizkorik ez dagoen, behintzat», esan zuten prentsurrekoan elkarteek.

Azaroaren 9an eta 10ean euskarazko eta ingelesezko jokoak ESKATU ZURE KIOSKOAN

Araban, Bizkaian, Nafarroa Beherean,
Zuberoan eta Lapurdin

domino jokoa
lanbideak

hiztegi jokoak hitzak euskaraz eta ingelesez lantzeko



euskara-inglese


DOMINO JOKOA

Hiztegi jokoa:
hitzak euskaraz eta
ingelesez lantzeko.

Gipuzkoan eta
Nafarroan

letra jokoa

hizkuntza jokoa letrak euskaraz eta ingelesez lantzeko



euskara-inglese

LETRA JOKOA

Hizkuntza jokoa:
letrak euskaraz
eta ingelesez lantzeko.


Babesleak:



Bizkaiko Foru Aldundia
Diputación Foral de Bizkaia



Gipuzkoako Foru Aldundia
Diputación Foral de Guipuzcoa



Astialdian jolastuz ikasteko



+ kupoia* + 4,4 €

*Kupoia, asteburu oro, ostiraletik igandera publikatuko da.

Egunkaria